

Navoiy viloyatida umumiy o'rta ta'lim


2025/2026 o'quv yili boshiga

- I. Faoliyat yuritayotgan umumiy o'rta ta'lim tashkilotlari
- II. Umumiy o'rta ta'lim tashkilotlarida tahsil olayotgan o'quvchilar
- III. Umumiy o'rta ta'lim tashkilotlarining I- sinfiga qabul qilingan o'quvchilar (jismoniy yoki ruhiy rivojlanishida nuqsoni bo'lgan bolalar uchun maktablar va sinflar o'quvchilari hisobga olinmagan holda)
- IV. Umumiy o'rta ta'lim tashkilotlarining IX va XI sinf bitiruvchilari
- V. Umumiy o'rta ta'lim tashkilotlarida mehnat faoliyatini yuritayotgan o'qituvchilar (o'rindoshlarsiz)
- VI. Umumiy o'rta ta'lim bo'yicha uslubiy tushuntirishlar va metama'lumotlar


I. Faoliyat yuritayotgan umumiy o'rta ta'lim tashkilotlari

Umumiy o'rta ta'lim tashkilotlari – uzluksiz ta'lim tizimining asosiy bo'g'ini hisoblanadi va O'zbekiston Respublikasining barcha fuqarolariga davlat umumta'limi andozalari doirasida bepul umumiy ta'lim olishning kafolatlangan huquqi va imkoniyatini beradi.

Navoiy viloyatida 2025/2026- o'quv yili boshida faoliyat yuritayotgan umumiy o'rta ta'lim tashkilotlari soni **387 tani** tashkil etgan va 2024/2025- o'quv yili boshiga nisbatan **3 taga**, ya'ni **0,8 % ga** oshgan.



Faoliyat yuritayotgan nodavlat umumta'lim tashkilotlari soni
(tegishli o'quv yili boshiga, birlik)



2025/2026 o'quv yili boshiga viloyatda faoliyat yuritayotgan nodavlat umumiy o'rta ta'lim tashkilotlari soni **5 tani** tashkil etgan va 2024/2025 o'quv yiliga nisbatan **1 taga**, yoki **25 % ga** oshgan.

Faoliyat yuritayotgan umumiy o'rta ta'lim tashkilotlari
sonining shahar va tumanlar kesimida taqsimlanishi
(2025/2026 o'quv yili boshiga, birlik)

	Umumta'lim tashkilotlari soni, jami	shundan: nodavlat umumta'lim tashkilotlari
Navoiy viloyati	387	5
<i>shaharlar:</i>		
Navoiy	29	2
Zarafshon	14	-
G'ozg'on	4	-
<i>tumanlar:</i>		
Karmana	36	2
Konimex	37	-
Qiziltepa	45	1
Navbahor	38	-
Nurota	54	-
Tomdi	18	-
Uchquduq	19	-
Xatirchi	93	-

2025/2026 o'quv yili boshiga faoliyat yuritayotgan umumiy o'rta ta'lim tashkilotlarining eng ko'p soni Xatirchi (**93 ta**), Nurota (**54 ta**) va Qiziltepa (**45 ta**) tumanlarida qayd etilgan bo'lsa, boshqa shahar va tumanlarga nisbatan eng past ko'rsatkichlar G'ozg'on (**4 ta**), Zarafshon (**14 ta**) shaharlari va Tomdi (**18 ta**), Uchquduq (**19 ta**) tumanlarida qayd etilgan.


Nodavlat umumta'lim tashkilotlariga kelsak, ular Navoiy shahrida (**2 ta**), Qiziltepa tumanida (**1 ta**) va Karmana tumanida (**2 ta**) qayd etilgan.

Mavzuga doir ko'rsatkichlar:

Faoliyat yuritayotgan umumiy o'rta ta'lim tashkilotlari soni

II. Umumiy o'rta ta'lim tashkilotlarida tahsil olayotgan o'quvchilar

Viloyatda so'nggi yillarda umumiy o'rta ta'lim tashkilotlarida o'quvchilar sonining o'sishi kuzatilgan. 2025/2026- o'quv yili boshiga ularning soni **195,7 ming nafarni** tashkil etgan va 2024/2025- o'quv yiliga nisbatan **1,0 ming nafarga**, yoki **0,5 % ga** oshgan. Jami o'quvchilar sonida qiz bolalar ulushi **49,2 % ni**, o'g'il bolalar ulushi esa **50,8 % ni** tashkil etgan.



Yuqorida ko'rsatilgan davrda umumiy o'rta ta'lim tashkilotlarida tahsil olayotgan qiz bolalar soni **0,8 ming nafarga**, yoki **0,8 % ga** oshgan, o'g'il bolalar soni esa **0,2 ming nafarga**, yoki **0,2 % ga** oshgan.

O'quvchilar sonining shahar va tumanlar kesimida taqsimlanishi
(2025/2026 o'quv yili boshiga, ming kishi)


	O'quvchilar soni, jami	Umumiy soniga nisbatan % da	ulardan:		Umumiy sonidan, % da	
			qiz bolalar	o'g'il bolalar	qiz bolalar	o'g'il bolalar
Navoiy viloyati	195,7	100,0	96,3	99,4	49,2	50,8
<i>shaharlar:</i>						
Navoiy	43,1	22,0	20,5	22,6	47,6	52,4
Zarafshon	19,5	10,0	9,6	9,9	49,2	50,8
G'ozg'on	1,6	0,8	0,8	0,8	50,0	50,0
<i>tumanlar:</i>						
Karmana	23,2	11,8	11,5	11,7	49,6	50,4
Konimex	6,7	3,4	3,4	3,3	50,7	49,3
Qiziltepa	24,4	12,5	12,2	12,2	50,0	50,0
Navbahor	18,7	9,6	9,3	9,4	49,7	50,3
Nurota	14,2	7,3	7,1	7,1	50,0	50,0
Tomdi	1,9	1,0	1,0	0,9	52,6	47,4
Uchquduq	8,3	4,2	4,0	4,3	48,2	51,8
Xatirchi	34,1	17,4	16,9	17,2	49,6	50,4

2025/2026- o'quv yili boshiga o'quvchilar sonining eng yuqori ko'rsatkichi Navoiy shahrida (**43,1 ming nafar**) va Xatirchi tumanida (**34,1 ming nafar**) qayd etilgan. Eng past ko'rsatkichlar esa G'ozg'on shahrida (**1,6 ming nafar**) va Tomdi tumanida (**1,9 ming nafar**) kuzatilgan. Viloyatning deyarli barcha shahar va tumanlarida o'g'il bolalar soni qiz bolalar sonidan biroz yuqori bo'lgan. O'g'il va qiz bolalar o'rtasidagi eng sezilarli tafovut Navoiy shahrida (o'g'il bolalar – **52,4 %**, qiz bolalar – **47,6 %**), Tomdi tumanida (o'g'il bolalar – **47,4 %**, qiz bolalar – **52,6 %**) va Uchquduq tumanida (o'g'il bolalar – **51,8 %**, qiz bolalar – **48,2 %**) bo'lgan, boshqa shahar va tumanlarda o'g'il va qiz bolalar nisbati taxminan bir xil.

III. Umumiy o'rta ta'lim tashkilotlarining 1- sinfiga qabul qilingan o'quvchilar (jismoniy yoki ruhiy rivojlanishida nuqsoni bo'lgan bolalar uchun maktablar va sinflar o'quvchilari hisobga olinmagan holda)

2025/2026- o'quv yili boshiga umumiy o'rta ta'lim tashkilotlarining I- sinfiga qabul qilingan o'quvchilar soni (jismoniy yoki ruhiy rivojlanishida nuqsoni bo'lgan bolalar uchun maktablar va sinflar o'quvchilari hisobga olinmagan holda) **21,0 ming nafarni** tashkil etgan bo'lib, bu ko'rsatkich 2024/2025- o'quv yiliga nisbatan **1,3 ming nafarga**, yoki **6,6 % ga** ko'p bo'lgan. I- sinfga qabul qilingan o'quvchilar umumiy sonida qiz bolalar ulushi **48,1 % ni**, o'g'il bolalar ulushi esa **51,9 % ni** tashkil etgan.

I- sinfga qabul qilingan o'quvchilar soni
(jismoniy yoki ruhiy rivojlanishida nuqsoni bo'lgan bolalar uchun maktablar
va sinflar o'quvchilari hisobga olinmagan holda, tegishli o'quv yili boshiga, ming kishi)



I- sinfga qabul qilingan o'quvchilar sonining shahar va tumanlar kesimida taqsimlanishi
(jismoniy yoki ruhiy rivojlanishida nuqsoni bo'lgan bolalar uchun maktablar
va sinflar o'quvchilari hisobga olinmagan holda, 2025/2026 o'quv yili boshiga, ming kishi)

	I sinf o'quvchilari soni, jami	umumiy soniga nisbatan % da	ulardan:		umumiy sonidan, % da	
			qiz bolalar	o'g'il bolalar	qiz bolalar	o'g'il bolalar
Navoiy viloyati	21,0	100,0	10,1	10,9	48,1	51,9
<i>shaharlar:</i>						
Navoiy	4,5	21,4	2,1	2,4	46,7	53,3
Zarafshon	2,1	10,0	1,0	1,1	47,6	52,4
G'ozg'on	0,2	1,0	0,1	0,1	50,0	50,0
<i>tumanlar:</i>						
Karmana	2,3	10,9	1,1	1,2	47,8	52,2
Konimex	0,7	3,3	0,4	0,3	57,1	42,9
Qiziltepa	2,7	12,9	1,3	1,4	48,1	51,9
Navbahor	2,0	9,5	1,0	1,0	50,0	50,0
Nurota	1,6	7,6	0,8	0,8	50,0	50,0
Tomdi	0,2	1,0	0,1	0,1	50,0	50,0
Uchquduq	0,9	4,3	0,4	0,5	44,4	55,6
Xatirchi	3,8	18,1	1,8	2,0	47,4	52,6

2025/2026- o'quv yili boshiga umumiy o'rta ta'lim tashkilotlarining I- sinfiga qabul qilingan o'quvchilar sonining (jismoniy yoki ruhiy rivojlanishida nuqsoni bo'lgan bolalar uchun maktablar va sinflar o'quvchilari hisobga olinmagan holda) eng yuqori ko'rsatkichi Navoiy shahrida (**4,5 ming nafar**) va Xatirchi tumanida (**3,8 ming nafar**) qayd etilgan. Boshqa shahar va tumanlarga nisbatan eng past ko'rsatkichlar esa G'ozg'on shahrida (**0,2 ming nafar**) va Tomdi tumanida (**0,2 ming nafar**) kuzatilgan.

Mavzuga doir ko'rsatkichlar:

[O'quvchilar soni \(jami\)](#)

[O'quvchilar soni \(qiz bolalar\)](#)

[O'quvchilar soni \(o'g'il bolalar\)](#)

[I - IV sinf o'quvchilari soni](#)

[V - IX sinf o'quvchilari soni](#)


[X - XI sinf o'quvchilari soni](#)

IV. Umumiy o'rta ta'lim tashkilotlarining IX va XI- sinf bitiruvchilari

2025- yilda Navoiy viloyatida umumiy o'rta ta'lim tashkilotlarining IX- sinf bitiruvchilari soni **17,4 ming nafarni** tashkil etgan va 2024- yilga nisbatan ularning soni **0,5 ming nafarga**, yoki **3,0 % ga** ko'paygan. Shuningdek, 2025- yilda XI- sinf bitiruvchilari soni 2024- yilga nisbatan **1,3 ming nafarga**, yoki **10,7 % ga** oshgan va **13,4 ming nafarni** tashkil etgan.

IX va XI- sinf bitiruvchilari soni

(tegishli yil uchun, ming kishi)



IX- sinf bitiruvchilari soni XI- sinf bitiruvchilari sonidan ko'pligi ba'zi o'quvchilar IX- sinfni tugatgandan so'ng akademik litseylar, politexnikumlar, texnikumlar va boshqa ta'lim tashkilotlarida o'qishni davom ettirishi bilan bog'liq bo'lishi mumkin.

IX va XI- sinf bitiruvchilari sonining shahar va tumanlar kesimida taqsimlanishi
(2025- yil uchun, ming kishi)

	IX- sinf bitiruvchilari		XI- sinf bitiruvchilari	
	jami	umumiy soniga nisbatan % da	jami	umumiy soniga nisbatan % da
Navoiy viloyati	17,4	100,0	13,4	100,0
<i>shaharlar:</i>				
Navoiy	3,7	21,3	3,0	22,4
Zarafshon	1,6	9,2	1,1	8,2
G'ozg'on	0,2	1,1	0,1	0,7
<i>tumanlar:</i>				
Karmana	2,1	12,1	1,7	12,7
Konimex	0,7	4,0	0,3	2,2
Qiziltepa	2,1	12,1	1,5	11,2
Navbahor	1,7	9,8	1,5	11,2
Nurota	1,4	8,1	0,8	6,0
Tomdi	0,2	1,1	0,1	0,7
Uchquduq	0,7	4,0	0,5	3,7
Xatirchi	3,0	17,2	2,8	21,0

IX- sinf bitiruvchilarining eng ko'p soni Navoiy shahrida (**3,7 ming nafar**) va Xatirchi tumanida (**3,0 ming nafar**) qayd etilgan bo'lsa, eng past ko'rsatkich G'ozg'on shahrida (**0,2 ming nafar**) va Tomdi tumanida (**0,2 ming nafar**) kuzatilgan. XI- sinf bitiruvchilari soni bo'yicha ham Navoiy shahrida (**3,0 ming nafar**) va Xatirchi tumanida (**2,8 ming nafar**) yetakchilik qilgan bo'lsa, G'ozg'on shahrida (**0,1 ming nafar**) va Tomdi tumanida (**0,1 ming nafar**) esa bu ko'rsatkich eng past darajada bo'lgan.

Mavzuga doir ko'rsatkichlar:


[IX sinf bitiruvchilari](#)

[XI sinf bitiruvchilari](#)

V. Umumiy o'rta ta'lim tashkilotlarida mehnat faoliyatini yuritayotgan o'qituvchilar (o'rindoshlarsiz)

2025/2026- o'quv yili boshiga Navoiy viloyati umumiy o'rta ta'lim tashkilotlarida mehnat faoliyatini amalga oshirayotgan o'qituvchilar soni (o'rindoshlarsiz) **22,3 ming nafarni** tashkil etgan va 2024/2025- o'quv yili boshiga nisbatan **0,4 ming nafarga**, yoki **1,8 % ga** oshgan. O'qituvchilar umumiy sonida (o'rindoshlarsiz) ayollar ulushi **77,6 % ni**, erkaklar ulushi esa **22,4 % ni** tashkil etgan.

O'qituvchilar (o'rindoshlarsiz) soni
(tegishli o'quv yili boshiga, ming kishi)



Yuqorida ko'rsatilgan davrda umumiy o'rta ta'lim tashkilotlarida mehnat faoliyatini amalga oshirayotgan ayol o'qituvchilar soni **0,6 ming nafarga**, yoki **3,6 % ga** oshgan bo'lib, **17,3 ming nafarni** tashkil etgan. Erkak o'qituvchilar soni esa, aksincha, **0,2 ming nafarga**, yoki **3,8 % ga** qisqargan bo'lib, **5,0 ming nafarni** tashkil etgan.

O'qituvchilar (o'rindoshlarsiz) sonini shahar va tumanlar kesimida taqsimlanishi
(2024/2025 o'quv yili boshiga, ming kishi)

	O'qituvchilar soni, jami	Umumiy soniga nisbatan % da	ulardan:		Umumiy sonidan, % da	
			ayollar	erkaklar	ayollar	erkaklar
Navoiy viloyati	22,3	100,0	17,3	5,0	77,6	22,4
<i>shaharlar:</i>						
Navoiy	3,6	16,1	3,1	0,5	86,1	13,9
Zarafshon	1,9	8,5	1,8	0,1	94,7	5,3
G'ozg'on	0,2	0,9	0,1	0,1	50,0	50,0
<i>tumanlar:</i>						
Karmana	2,4	10,8	2,0	0,4	83,3	16,7
Konimex	1,1	5,0	0,8	0,3	72,7	27,3
Qiziltepa	3,3	14,8	2,8	0,5	84,8	15,2
Navbahor	2,1	9,4	1,7	0,4	81,0	19,0
Nurota	1,9	8,5	1,0	0,9	52,6	47,4
Tomdi	0,4	1,8	0,3	0,1	75,0	25,0
Uchquduq	0,8	3,6	0,7	0,1	87,5	12,5
Xatirchi	4,6	20,6	3,0	1,6	65,2	34,8

Umumiy o'rta ta'lim tashkilotlarida mehnat faoliyatini amalga oshirayotgan o'qituvchilar sonining (o'rindoshlarsiz) eng yuqori ko'rsatkichlari Navoiy shahrida (**3,6 ming nafar**), Qiziltepa tumanida (**3,3 ming nafar**) va Xatirchi tumanida (**4,6 ming nafar**) qayd etilgan. Boshqa shahar va tumanlarga nisbatan eng past ko'rsatkichlar esa G'ozg'on shahrida (**0,2 ming nafar**), Tomdi tumanida (**0,4 ming nafar**) va Uchquduq tumanida (**0,8 ming nafar**) kuzatilgan. Ayol o'qituvchilarning eng yuqori ulushi Zarafshon shahrida qayd etilgan bo'lib, **94,7 % ni** tashkil etgan. G'ozg'on shahrida esa ayol o'qituvchilarning ulushi erkaklar ulushi bilan teng bo'lgan va **50,0 % ni** tashkil etgan. Qolgan shahar va tumanlarda ayol o'qituvchilar ulushi **52,6 % dan 87,5 % gacha** farqlangan.

Mavzuga doir ko'rsatkichlar:

[O'qituvchilar soni \(jami o'rindoshlarni qo'shgan holda\)](#)

VI. Umumiy o'rta ta'lim bo'yicha uslubiy tushuntirishlar va metama'lumotlar

Umumiy o'rta ta'lim o'quv dasturiga muvofiq ta'lim oluvchilar tomonidan zarur bilim, malaka va ko'nikmalar o'zlashtirilishiga, shuningdek, ta'limning keyingi turi tanlanishiga hamda yuqori malaka talab qilinmaydigan kasblar egallanishiga qaratilgan. U umumiy o'rta ta'lim tashkilotlarida uzluksiz, majburiy o'n bir yil davomida, kunduzgi ta'lim shaklida amalga oshiriladi va uch bosqichdan (I – XI sinflar) iborat: boshlang'ich ta'lim (I – IV sinflar), tayanch o'rta ta'lim (V – IX sinflar) va o'rta ta'lim (X – XI sinflar).

O'zbekiston Respublikasida umumiy o'rta ta'lim bo'yicha statistik ma'lumotlar yillik statistik hisobot – **1 umumta'lim shakli** "Umumta'lim muassasasining hisoboti" asosida shakllantiriladi. Ushbu hisobotni Maktabgacha va maktab ta'limi vazirligining umumta'lim muassasalari, boshqa vazirlik va idoralarning umumta'lim muassasalari, mulkchilik va tashkiliy-huquqiy shakllaridan qat'i nazar litsenziya asosida nodavlat ta'lim xizmatlarini ko'rsatuvchi yuridik shaxslar taqdim etadi.

Umumta'lim muassasasining statistik hisobotida o'quvchilar, bitiruvchilar, o'qituvchilar soni hamda umumiy o'rta ta'lim tizimini tavsiflovchi boshqa ko'rsatkichlar aks ettiriladi. Statistik ma'lumotlar respublika va hududlar kesimida taqdim etiladi.

O'quvchilar va o'qituvchilar soni, umumta'lim tashkilotlarining moddiy-texnika bazasi kabi asosiy ko'rsatkichlar yangi o'quv yili boshiga, bitiruvchilar soni esa o'tgan yil uchun keltiriladi. Yig'ma ma'lumotlar ta'lim tizimi rivojlanish dinamikasini tahlil qilish, ta'lim islohotlarini rejalashtirish, shuningdek, Barqaror rivojlanish maqsadlari (BRM) doirasida va boshqa xalqaro hisobotlar tayyorlash uchun foydalaniladi.

Umumiy o'rta ta'lim tashkilotining asosiy maqsadlari – o'quvchi shaxsining umumiy madaniyatini shakllantirish, uni jamiyat hayotiga moslashtirish, kasbiy ta'lim dasturlarini ongli ravishda tanlash va keyinchalik o'zlashtirish uchun asos yaratish, shuningdek, jamiyat, oila va davlat oldidagi mas'uliyatini anglaydigan shaxsni tarbiyalashdan iborat.

Davlat ta'lim muassasasi – davlat hokimiyati va boshqaruvi organlari tomonidan davlat mulki bo'lgan mol-mulk negizida tashkil etilgan, davlat ta'lim standartlariga va davlat ta'lim talablariga muvofiq ta'lim beradigan muassasa.

Nodavlat umumta'lim tashkiloti – davlat ta'lim standartlari, davlat ta'lim talablari va o'quv dasturlariga muvofiq ta'lim xizmatlari ko'rsatish faoliyatini amalga oshirish huquqini beradigan litsenziya asosida yoki xabardor qilish tartibida ta'lim xizmatlari ko'rsatuvchi yuridik shaxs.

Ta'lim tashkilotlariga qabul qilish – ushbu o'quv yilida o'qishga qabul qilinganlarning sonini ko'rsatadi. Qabul qilingan soniga ikkinchi yil o'qiyotganlar va avval o'qiganlar orasidan qaytib kelganlar qo'shilmaydi.

Umumiy o'rta ta'lim tashkilotlari o'quvchilariga o'quv yili boshiga ro'yxatda turgan va umumta'lim muassasalarining boshlang'ich, tayanch o'rta hamda o'rta ta'lim bosqichlarida tahsil olayotgan shaxslar, shuningdek, jismoniy yoki ruhiy rivojlanishida nuqsoni bo'lgan bolalar uchun maktablar o'quvchilari kiritiladi.

O'qituvchilar soni – o'quvchilarga ta'lim berish va kasbiy tarbiyasi bilan shug'ullanuvchi, o'rta maxsus, oliy yoki maxsus tayyorgarlikdan o'tgan shaxslar soni.

Ta'lim tashkilotlarini bitirganlar – ushbu ta'lim tashkilotlarida o'quv kursini to'liq tugatgan va umumiy o'rta ta'lim to'g'risidagi hujjat (shahodatnoma)lar olgan shaxslar soni.

Foydali havolalar:

[Ta'lim statistikasi bo'yicha uslubiy Nizom](#)

[MSKO 2011](#)

[MSKO-0 2013](#)

Tayyorlash uchun mas'ul:

Navoiy viloyati
statistika boshqarmasi
Aholi turmush darajasi va
ijtimoiy soha statistikasi bo'limi

Manzil: Navoiy shahar,
Amir Temur ko'chasi, 4
El. manzil: nv@navstat.uz
Tel.: 79-223-54-98

